



## EASME (MREZA EVROPSKIH PREDUZETNIKA), ASOCIJACIJA MLADIH BRČKO I EKONOMSKI FAKULTET BRČKO ORGANIZOVAO PROMOCIJU MONOGRAFIJE "HASAN HANIĆ" - ŽIVOT I DJELO"

U okviru obilježavanja 18. godina Brčko distrikta BiH Asocijacija mladih Brčko u saradnji sa Ekonomskim fakultetom Brčko danas je u punom amfiteatru fakulteta organizovala promociju monografije prof. dr. "Hasan Hanić" - Život i djelo".



Prof. dr. Hasan Hanić kazao je da bi monografija trebala da pokaže mladima, učenicima i studentima koliko čovjek može da svojim radom, planom, organizacijom ostvari dobre rezultate na akademskom, naučnom, poslovnom planu, kao i na životnom planu.



"Ova knjiga je svojevrsna knjiga o svim mojim knjigama, o mom školovanju, o mojim profesorima, o mom Ekonomskom fakultetu na kojem sam stekao sva poslovna znanja i zvanja i kasnije o Beogradskoj bankarskoj akademiji, fakultetu čiji sam ja utemeljivač. Ona bi trebala da pokaže mladima, učenicima i studentima koliko čovjek može da svojim radom, planom, organizacijom ostvari dobre rezultate na akademskom, naučnom, poslovnom planu, a i na životnom planu. O

meni je govorilo preko dvadeset uglednih radnika najvećih akademika i drugih koji su tokom vremena pratili moj rad i utjecali na moj rad. Knjiga je jedinstvena po mnogo čemu. Mislim da knjiga predstavlja i može da predstavlja jedan skup smjernica kako ostvariti veliki uspjeh u životu", kazao je Hanić.

Prof. dr. Milan Tomić na Ekonomskom fakultetu u Brčkom u svom obraćanju kazao je da je vrijednost monografije teško procijeniti, jer je rijetkost i po formi i po sadržaju.



"Dvadeset godina je prošlo od kako sam ja upoznao Hasana. Drago mi je da se ova monografija danas promoviše povodu 18. godina Distrikta. Kada sam ga upoznao shvatio sam da se radi o savršenom intelektualcu, čovjeku širokih pogleda, velikog srca, tople duše i darežljivog. Najsretniji sam bio kada je prihvatio da bude angažovan u nastavnom procesu na Ekonomskom fakultetu u Brčkom. On je jedan od rijetkih profesora sa tako širokim spektrom djelatnosti, od teorijske ekonomije do kvantitativnih metoda, a da ne govorim o informatici, kibernetici, statistici, matematici itd. Monografija je prava rijetkost koja govori da čovjek koji krene sa jasnim ciljem, dobrim odgojem u porodici, čini svakome dobro, pa činio je i ovom fakultetu. Vrijednost monografije teško je procijeniti, jer je rijetkost i po formi i po sadržaju. 50.000 autorizovanih stranica, tekstova, 38 raznih udžbenika, da ne govorim dalje o njemu. Blago onom ko je uzme u ruke", kazao je Tomić.

Promociji je prisustvovao i glavni koordinator Vlade Brčko distrikta BiH Damir Bulčević koji nakon svog obraćanja uručio i poklon prof. dr. Hasanu Haniću.



"Vlada Distrikta je prepoznala značaj ove monografije, jer je ona jedan putokaza mladim ljudima koji žele uspjeti u savremenom i danas veoma teškom turbulentnom vremenu", kazao je Bulčević.

Promociji prisustvovali su i mnogi eminentni profesori iz Brčkog kao i predstavnici institucija Distrikta.

